

序  
 文章與政事相為表裏  
 者也顧藻績塗澤不可  
 謂非文也而或無與於  
 政術簿書期會不可謂  
 非政也而或且譏其少

文兼是二者蓋往難  
 之孔子曰託之空言不  
 如見之實事夫史亦  
 言也而實事備焉則  
 即其史才而可覘其吏  
 治者莫志若矣今之

郡縣古諸侯之國也古  
者列國各有史官掌  
記時事以登於天府皆  
名為史周禮職方掌  
天下之地圖而又有小史  
掌邦國之志外史掌四

第二

方之志之名如見於  
經厥後班固著漢書  
作十志陳壽三國志以  
志名後世郡縣之志因  
是焉雖史所紀者天下  
之事志僅一隅一邑耳

然讀其書而山川疆域  
可按圖而稽也戶口賦  
役可布算而知也人文  
盛衰民俗貞淫可展  
卷而瞭如也而政教之  
得失官師之賢否尤

序三

可借鑑而得之則志之  
大有造於宰斯出者  
也庶不重虧歲序  
余奉

命來守是邦下車之始  
遣郡志告成既為序而

行之比年以來時與牧  
令講求利病興工棄廢  
墜百度賴以粗張而首  
邑令又復輯其縣志相  
繼蕞事余嘉其畱心  
於所治也而六為序之

序四

今年春任郎令武威  
劉君又以其所脩邑乘  
請序於余余惟任邑  
為畿南要衝號稱繁  
劇其民物之殷庶水出  
之沃衍人文之茂美政

務之紛躋甲於吾郡為  
之宰者幾於日不暇給  
矣而劉君能以在公之  
餘與其邑之紳士有道  
德而能文章者蒐羅  
散亡採訪文獻因舊

序五

書而增輯之井然犁  
然無遺無濫斯平  
日之能勤於其職可知  
也夫縣令一官必能周  
知一縣之事而後設施  
厝注庶以不疑於所行

今劉君殆不愧知之者  
矣則所以脩其教不易  
其俗齊其政不易其  
宜者將於是乎在余  
蓋拭目以俟其政之成  
而足書之作經舉目

序六

聖朝文治之隆下垂劇邑掌  
張例嚴義正足以上答  
故之守則文章亦莫  
大乎是也故樂因其請  
而為弁數語於簡端  
皆

乾隆二十八年歲次癸  
未春二月知河間府  
事加四級長白韜菴  
達明譔



序七



敘

銘

周禮春官外史掌四  
方之志小史掌邦國  
之志志志之名既昉於  
經史記有書而無志  
班固前漢書始有律

序

歷刑法等十志轉馬  
遷之八書實占固之  
十志異名而同實至  
陳壽敘三國之事則  
直以志名古今書是  
志之名又著於史然

則志之所由來者遠矣。始一郡一邑之志，豈徒以修故事已哉？亦將詔告本茲，欲其察已事，鏡得失也。蓋親民之吏，莫切於邑。

序

二

今邑令膺百里之寄，必先咨詢，評訪周知。其出地之廣，袤闊狹，人民之多，寔空耗山川之險，夷原隰，墳壤之高，下肥瘠，貢賦之

上下重輕屯社邨堡  
之道里遠近風氣之  
剛柔燥濕禮俗之奢  
儉貞淫以及鄉先  
生之前言往行前此  
吏斯土者政治教化

序

三

之得失緩急然後可  
以興利除弊修墜補  
偏以庶幾於治然或  
故牘銷亡老胥彫謝  
無以稽考則皆將於  
志乎取之則志之修

豈所能獲已又豈可以  
或苟任邑上應尾箕  
下界燕趙北拱  
神京南連齊魯西北一  
帶溥瀟迤演為九十  
九流之總匯而握鯉之

序

四

名見於左思之三都  
以古準今蓋公侯伯  
之大國也舊故有志  
往頌病其簡陋無有  
起而更張之者兼自  
劉姚二尹重脩後迄

今積八十餘年以來  
經孫輯余自己卯下  
車後爬梳剔抉諸務  
稍就班部明年冬  
諸紳士以續修請余  
念是志所關至鉅不

序

五

敢視為不急之務遂  
延邑中名士之端方  
謹愨而達於文詞者  
數人司纂修之任於  
害夏六月開館廣摭  
新聞重搜掌故每一

卷脫藁輒送衡齋余  
於簿領之餘籌燈披  
閱親加校勘暇則詣  
館與諸君子面加商  
榷凡六閱月而其書  
告竣鳩工庀材有事

序

六

剞劂至今年七月而  
開雕之工亦竣共二  
十七八萬言裒為十  
二卷凡土地人民賦  
役戶口風俗好尚典  
秩文物及一切有關

於政治之大者無不  
探賸索隱旁搜遠紹  
以為脩補興除之藉  
雖不敢沿毫無遺憾  
要不替於詔來茲察  
已事鏡得失之旨至

序

七

趙妙口園頭村自

聖祖

以來每於此行春蒐禮

坡各有

行宮一所而城南思賢

邨之

行宮為

皇上時巡駐蹕之地  
奎章

睿藻輝映先後魏煥商皇  
炳如日星

天威不遠穎咫尺於卷  
帙之端薰盥叩首志

序

八

之惟謹蓋四方邦國  
之志外史小史之  
掌即今之郡邑志也  
則郡邑之志固可獻  
之王國掌以王官  
為一代國史之權輿

嘯矢故昔人於此致  
為競，新城王尚書  
云余於明代郡縣志  
祇取關中語公所纂  
如武功平涼朝邑華  
縣等十餘種不失史

序

九

法而近世所脩唯陸  
清秋靈壽志為稱最  
統關中人也而治  
之邑多靈壽不數百  
里而近清獻之仁風  
善政至今猶得披拂

聽聞今茲之役安敢  
與前賢比較偽或不  
大刺謬它日得隨諸  
君子如周禮春官之  
故事達之蘭臺貯  
之中秘淘汰而簸揚

序

之為

十

國史千伯什一之助以  
續三史後則荒城下  
吏與有榮施矣是為  
敘

乾隆二十有七年歲次